

Армандастар, құрдастар


БИІКТІ БАҒЫНДЫРҒАН ТАУ ҚЫЗЫ ТОЛҒАНАЙ

Жақында ғана Хантәңірінің ардақты қызы Толғанай Қасымхан Арменияда бокстан өткен жасөспірімдер арасындағы әлем чемпионатында үлкен жеңіске жетіп, егеменді еліміздің көк байрағын көкке желбіретіп, әлем чемпионы атанды! Бұл-егеменді еліміз үшін асқақ абырой, биік медей! Алыс килограмдық салмақта өнер көрсететін Толғанай Ресейдің боксшысы Кира Леоновамен кездесіп, 3:2 есебімен жеңіске жетті. Бұған дейін Толғанай желтоқсан айының басында Астана қаласында өткен Азия біріншілігінде де топ жарып, Азия чемпионы атанған болатын.

Хантәңірінің етегінде жатқан Нарынқолда туып-өскен Толғанай бала кезінен спортпен айналысқан. Оның отбасында өзінен басқа төрт бауыры бар. Оның ата-анасы Болат Ақынов пен Жазира Сәлімжанова көп балалы болса да Толғанайдың жан-жақты болуына жағдай жасай білді. Бастапқыда Толғанай домбыраға, содан соң вокалға қатысты. Ғылыми олимпиадаларында да жақсы нәтижелерге жетіп жүрді. Бірақ, оның спортқа деген қызығушылығы барлығынан жоғары тұрды. Ендігі жерде домбыра мен вокалдан басқа сабақтан тыс уақыттарда ақырындап оңашада бокспен айналыса бастады. Бокс оның болашағы екендігін түсінген күннен бастап Нарынқолдағы «Райымбек батыр» атындағы спорт кешенінде

шеберлігін шындай бастады. Бұл орайда Толғанайдың алғашқы күннен-ақ жанына жақын тартып, өзінің бар тәжірибесін ерінбей жас қызға үйреткен жаттықтырушысы Қалқаман Ізбасарға деген алғысы шексіз. - «Оң аяқпен рингке кірген сәттен бастап жұлдызым жарқырап сала берді. Менің түсінгенім шыдамдылық пассивті күту емес. Шыдамдылық-бұл сіздің мақсаттарыңыз бен армандарыңызға жету үшін қажет процесті белсенді түрде қабылдау. Бастаған іс-әрекетіңіз өз нәтижесін бермесе, тек өзіңізді қамшылаңыз. Он сегіз мың галамда жарқырап жану-тек еңбек пен сабырдың арқасында келетін олжа. Күте біліп, әркет жасап, шындалған еңбек, төгілген тер мен шыққан жас өзіме берілген күш-жігер мені аядай ауыл-

дан әлемге дейін алып шықты. Бес жыл ішінде сан мың саңлақ қатысқан дүбірлі доданың куәсі болдым, - дейді Толғанай қуанышын жасыра алмай. Шынында да Толғанай бес жыл ішінде көптеген жарыстарға қатысып, жүлделі орындарды жеңіп алды. Райымбек ауданы Бердібек Соқпақбаев атындағы орта мектептің 11 сыбында үздік оқитын Қасымхан Толғанай Болатқызы-Райымбек ауданының 4 дүркін жеңімпазы, Алматы облысының 5 дүркін жеңімпазы. Алматы қаласында өткен Е.Ибраимовтың құрметіне арналған халықаралық турнирде 3 орын алып, спорт шеберіне үміткер атанды. Талдықорғанда өткен Дәукен Смағұловты жүлдесіне арналған



ҚАСЫМХАН ТОЛҒАНАЙ
ЖАСӨСПІРІМДЕР АРАСЫНДА ӘЛЕМ
ЧЕМПИОНЫ АТАНДЫ

республикалық турнирде 1 орынды және жылдың ең үздік боксшысы кубогін жеңіп алды. Қызылордадағы Жалантөс Баһадүрді еске алуға арналған республикалық турнирде 2 орынды, Қостанай қаласының ашық чемпионатында 1 орынды, Талдықорғандағы Дәукен Смағұловтың жүлдесі үшін Азия чемпионатына іріктеуде 1 орынды жеңіп алды. Өзбекстандағы Республикалық турнирде 3 орынды, Шардара қаласында өткен халықаралық турнирде 1 орынды иеленді. Арменияның Ереван қаласында өткен 2007-2008 жылдары дүниеге келген жасөспірім қыздар арасында Азия чемпионатының жеңімпазы, Мағжан Иембергенді еске алуға арналған республикалық турнирдің 2 дүркін жеңімпазы атанды. Болашағынан зор үміт күттіретін арманшыл Толғанай мектепте өте жақсы оқиды, қоғамдық шаралар мен спорт үйірмесіне (бокс, жүгіру, жеңіл атлетика) белсене араласады. «Алтын» белгіге үміткер. Әрдайым спорттың заңғар биігінен көрінгін, Хантәңірінің талапты қызы Толғанай!

БӘРІ ДЕ АУЫЛ ҮШІН!

Талғар ауданы Тұздыбастау ауылында мына нарық билеген заманда еңбектің көзін, пайданың өзін тауып, сол тірлігімен маңайына шапағатын тигізіп жүрген жастардың бар екенін газетімізде жазып келе жатырмыз. Сол топқа тағы бір жасты қосқымыз келеді. Бүгінгі әңгіменің арқауы жас кәсіпкер Ержан СӘТТІБАЕВ туралы болмақ.

Ержанмен оның кеңсесінде кездестік. Атам қазақ «Қазаққа билік бер, кім екенін көресің» деп кеткен ғой. Астына тәуір көлік мінгенімен менмендігі жоқ, қарапайым қазақтың баласы екенін көркем мінезі мен байыпты сөзінен байқадым. Жылы шыраймен қабылдап, қойылған сұраққа ағынан жарылып, жауап беріп отыр. Тәуелсіздік алғанымызға төртінші онжылдыққа аяқ бастық. Алғашқы жылдары кешегі «үкімет

майды. Бар үміті астындағы темір тұлпары ғана болған секілді. Оны тәуекелге жібермесе, ертеңгі күніне деген үміті жанбайтын сияқты. Көлігін кимаса көлік мінгеніне ғана риза болып жүре беретін секілді. Түпкі мақсаты үшін жарты жолда құрбандыққа бару керек екенін ой-түйсігімен түсініп, түйіндеген ол темір тұлпарын құрбандыққа шалған екен. Сөйтіп, кәсіпкерлік деген дүниені темір тұлпардың бағасы болған

салынған спорт кешені бөлек әңгіменің тақырыбы болары сөзсіз. Бұл жерде күніне спорттың сегіз түрінен жаттығулар өтеді екен. Ондағы жасөспірімдердің спорттық жетістіктері де жоқ емес. Олармен арнайы тәжірибесі бар жаттықтырушылар айналысуда. «Сауда болсын, емхана, спорт кешені болсын, осының бәрі-ауыл халқына қажетті дүниелер» дейді кәсіпкердің өзі. Жоғарыда «негізгі кәсіп саудадан басталды» деген болатынбыз. Әдетте сауда саласынан кәсіп ашқандар тезірек пайда табудың жолын іздегендіктен бе, тез өтетін арак, темекі, сыра секілді тауарларды толтырып қояды. «Сәтті» сауда кешенінде ондай заттарды таппайсыз. Азық-түліктің бәрі-халал.

арақ, сыра, темекі секілді дүниелерді саудаға қойғанымыз өзіміз ұстанған ұстанымға қайшы келеді. Сондықтан «пайда таппасам, таппай-ақ қояйын, алайда азық-түлігім халал болсын» деген ұйғарымға келдім.-дейді кәсіпкер. Оның осы ойына «дұрыс позиция» деп баға бердік. Тіршілік деген таусылған ба?! Кешегі тірлігіне енді ауылды жарықтандыру, сумен қамтамасыз ету және интернет желілерін тарту секілді ауыл тұрғындарына қажетті дүниелер бойынша қызмет жасау міндеттері қосылған екен. - Оларды жүргізу құқықтарына ие болу үшін арнайы тендерге қатысамыз.-дейді Ержан. Мемлекеттік қызметтегідей емес, жеке иеліктегі кәсіпкер үшін жасап жатқан тірлігіне көзқарас, жауапкершілік жүгі ерекше болады. Жеке кәсіппен айналысқанына он бес жылдың жүзі болған Ержан кезекті еңбек демалысы дегеннің не екенін білмейді екен. Быыл жазда «өзі үшін бір демалысын арнаймын» деп бір жетіге Алақөлге ат басын бұрған екен. Оның өзін толық өткізуге ауылдағы тірлік мұрша бермеген көрінеді. Қазақ «жақсылықты алдымен өзіңе жаса, қала берді жақынына, одан қалса халқыңа жаса» деген сөз бар. Он бес жылда кәсібі аяғына тұрғандай болған Ержан жағдайы төмен отбасыларына ауыл жастарымен бірлесіп, қайырымдылық қолын созып жүргені де баршылық. «Жаман бергенін айтады» деген. Соны өзі көп жарнама лағысы келмейтін секілді. Жас кәсіпкердің алға қойған арман-мақсаттары көп. «Соларға жетсем» дейді. Сол жолда талмай еңбек етіп келе жатқаны да сондықтан. Нарықтың иіріміне ілесіп, өз дүниесін, өз ісін адалып алып келе жатқан Ержан Сәттібаевтың әлі алар асуы алда деп ойлаймыз.

Алтынбай СИҚЫМБЕК,
«Алатау ардагерінің» тілшісі.
Талғар ауданы.



өлтірмейді» деген қағида өміршеңдігін тоқтатып, ескексіз қайықтай болған кезіміз есімізде. Есі бар ептілер істің байыбын, замана тамырын ұстап, өлместің күнін ойлай бастады. Келер күннен үміттерін үзгендердің мақсат-мұраттары бір стакан арақтың түбіне батып кетті. Көбісінің келе-келе нарықтың заңына да бейімделіп, істері оңға баса бастады. Одан кейін де бірнеше ұрпақ толқындары кәсіпкерлік деген дүниенің ашы-тұщы дәмдерін татып көрді. Сол толқындардың бірі Ержанның замандастары еді. Ержан да сол замандастары секілді о баста еңбек жолын басқа салалардан бастапты. Жеке кәсіп ашып жатқандардың тірліктері жас жігітке ой салса керек. Әдетте бір істі бастау үшін алғашқы капитал деген дүние қажет. Онсыз атың бәйгеге қосыл-

аздаған қаржыдан басталған көрінеді. «Талпынған жетер мұратқа» деген бар. Алғашқы тірлік саудадан және дәріхана ашудан басталыпты. Кейін оларға сән салоны қосылған көрінеді. «Ананы ашты, мынаны ашты» деген айтар ауызға ғана оңай дүние ғой. Кәсіпті жүргізуде бір көліктің құнымен алысқа шаппасы анық. Амал жоқ жеке банктерден несие алуға тура келген. Оны қайтарып, қайтадан алуға тағы да тура келген. Одан бері он бес-он алты жылдың жүзі болған екен. Бұл күндері Тұздыбастау ауылының етек жағындағы «Сәтті» сауда кешені мен мұндалап, анадайдан көзге түседі. Одан бөлек жолдың оң жағында екі қабатты зәулім үйдің маңдайшасында «ЕМ-Клиникс» деген жазуы бар медициналық орталық та-Ержан ашқан көп дүниенің бірі. Ауыл жастарына арнайы

- Спортты насихаттап, ауыл жастарына спорт кешенін пайдалануға бергенде, екінші жағынан адам азғасына зиянын тигізетін



ЖЕЛТОҚСАН СЫНАҒЫ

Намысын бабалардың бермей қолдан,
Ұлттың ұлт қалпын сақтап қалған.
Жұдырықтай жүрегін түйіп алып,
Жастар Бостандықты Ұрандатқан.
Томирис анамыздай батыр қыздар,
Қиын шақта ерлерден қалыспаған.
Суығына қарамай желтоқсанның,
Бірінші болып қатарды бастап тұрған.
Сынағы болар Алланың елге берген,
Сынақтың соңы болсын елге түскен.
Жастармен сынамақшы о, Тәңірім,
Халық үшін аянбас олар жанын!
Н.РОМАН.
Ақши ауылы
Еңбекшіқазақ ауданы.

АЛАТАУ Ардагері
Басылым 2023 жылғы 7 қыркүйектен шыға бастады
ҚҰРЫЛТАЙШЫ:
«Ардагер ұйымы» Республикалық қоғамдық бірлестігі Алматы облыстық «Ардагер ұйымы» филиалы
Директор:
Ерболат ТҰРЫМБЕТОВ

БАС РЕДАКТОР:
Роза Айдарбекова
Тел.: 8 777 251 9310
ТІЛШІЛЕР:
Алтынбай Сиқымбек
Тел.: 8 705 965 3661
Рамазан Елешев
Тел.: 8 747 706 1334

Жарияланған мақала авторларының пікірлері редакция көзқарасын білдірмейді.
«Алатау ардагері» газетінде жарияланған материалдарды көшіріп басу үшін редакцияның жазбаша рұқсаты керек.
Газет аптасына 1 рет – жұма күні шығады.
Суреттердің жауапсыз үшін редакция жауап береді.

Қазақстан Республикасы Ақпарат және даму министрлігінің Ақпарат комитетінде 2023 жылдың 21 тамызында тіркеліп KZ91VPY00075894 номерлі куәлігі берілген.
Газет «Алматы-Боашақ» акционерлік қоғамының баспаханасында басылды. Алматы қаласы С.Мұқанов көшесі, 23-В.
МЕКЕНЖАЙЫМЫЗ:
Қонаев қаласы, Жамбыл көшесі, 13/1.
«Алатау ардагері» газеті басылымының бүгінгі санын таралымы – 4000, Тапсырыс №2062 Индексі – 65472.